



SLUŽBENI GLASNIK OPĆINE KONJIC

BROJ : 1 .KONJIC, 11.01. 2018.GODINE



S A D R Ž A J

1. Odluka o privremenom finansiranju Općine Konjic za period januar - mart 2018. godine	1653
2. Zaključak	1654

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERTVANSKI KANTON
OPĆINA KONJIC
OPĆINSKO VIJEĆE

Broj:03-05-12-72/18
Konjic, 11.01.2018. godine

Na osnovu člana 16. Statuta Općine Konjic („Službeni glasnik Općine Konjic“, broj 4/11, 6/11), a u skladu sa članom 35. Zakona o budžetima u Federaciji BiH („Službene novine FBiH“, broj 102/13, 9/14, 13/14, 8/15, 91/15, 102/15 i 104/16), članom 18. Zakona o principima lokalne samouprave u FBiH (Službene novine FBiH broj: 49/06 i 51/09) Općinsko vijeće Konjic na sjednici održanoj dana 11.01.2018. godine, donosi

ODLUKU
o privremenom finansiranju Općine Konjic
za period januar – mart 2018. godinu

Član 1.

Ovom Odlukom utvrđuje se nastavak finansiranja poslova, funkcija i programa korisnika budžeta Općine Konjic za period januar – mart 2018.godine.

Član 2.

Privremeno finansiranje Općine Konjic za period januar – mart fiskalne 2018.godine utvrđuje se u iznosu **3.564.706,55 KM**, što predstavlja realizaciju budžeta za period januar-mart 2017.godine.

Član 3.

Privremeno finansiranje Općine Konjic za period januar – mart 2018.godine obavlja se srazmjerno sredstvima utrošenim u istom periodu prethodne godine.

U periodu privremenog finansiranja finansiraju se isti programi, a korisnici ne smiju povećavati broj zaposlenih u odnosu na stanje na dan 31.12.2017.godine.

Budžetski korisnici ne mogu započeti nove ili proširene programe i aktivnosti dok se ne donese Budžet Općine Konjic za 2018.godinu.

Član 4.

Za realizaciju ove Odluke zadužuje se Općinski Načelnik.

Član 5.

Odluka stupa na snagu narednog dana od dana objavljivanja u „Službenom glasniku Općine Konjic“ i ima se objaviti na Oglasnoj tabli Općine Konjic.

PREDSJEDNIK
OPĆINSKOG VIJEĆA

Ibro Halilović, s.r.

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERTVANSKI KANTON
OPĆINA KONJIC
OPĆINSKO VIJEĆE

Broj: 03- 28-3552/17
Konjic, 11.01.2018. godine

Na osnovu člana 8. alineja 3. i 10. Zakona po principima lokalne samouprave u FBiH ("Službene novine FBiH", broj 49/06 i 51/09), člana 16. Statuta Općine Konjic ("Službeni glasnik Općine Konjic", broj, 4/11 i 6/11) i člana 102. i 112. Poslovnika o radu Općinskog vijeća ("Službeni glasnik Općine Konjic", broj 01/05 i 05/10), Općinsko vijeće na sjednici održanoj dana 11.01.2018. godine, usvojilo je sljedeći:

ZAKLJUČAK

1. U cilju kontinuiteta gazdovanja šumama na području ŠPP "Konjičko" i područje "Krša, a zbog neusvajanja Zakona o šumama u FBiH, **daje se saglasnost** na:
- Plan gazdovanja Šumarstva "Prenj" Konjic za 2018. godinu, broj: P-3459/17 od 09.11.2017. godine i Plan gazdovanja – područje krša broj: P-3460/17 od 09.11.2017.godine, koji je usvojio Nadzorni odbor Šumarstva "Prenj" Konjic Odlukom broj: P-240/17 od 16.11.2017. i P-241/17 od 16.11.2017.godine.
2. Sastavni dio ovog zaključka su planski dokumenti iz tačke 1. po kojima se određuju osnovne smjernice za optimalno upravljanje i gazdovanje šumama na području Općine Konjic (šumsko privredna osnova).
3. Za realizaciju ovog zaključka odgovorno je preduzeće Šumarstvo "Prenj" d.d. Konjic.
4. Ovaj zaključak će se primjenjivati za 2018. godinu odnosno dok se zakonom ne reguliše pitanje gazdovanja šumama i kršom.
5. Zadužuje se nadzorni organ preduzeća da podnese šestomjesečni izvještaj Općinskom vijeću o gazdovanju šuma i krša na području Općine Konjic.
6. Zaključak stupa na snagu narednog dana od dana objavljivanja u "Službenom glasniku Općine Konjic" i ima se objaviti na Oglasnoj tabli Općine Konjic.

PREDSJEDNIK
OPĆINSKOG VIJEĆA

Ibro Halilović, s.r.

IZDAJE OPĆINA KONJIC

ODGOVORNI UREDNIK SEKRETAR (TAJNIK) OPĆINSKOG VIJEĆA
Tel. ++387 36 712 202

SLUŽBENI GLASNIK IZLAZI PO POTREBI